

Бичачнр умшачнр дунд

Шидрхн хальмг бичачнр республикин райодин колхоз-муд болн совхозмуд эргдж йовдж, куч-көлсчнрлэ харгъцхав.

Литературиг болн искусствиг оln-амтнэ бээдл-джиргъллэ өөрдүллгънэ тускар гарсн партин болн правительствин шиидврмүд кучадж, эн джил Хальмг бичачнр кесг дакдж селанэ куч-көлсчнрлэ харгъдж, соньн-сан күүндвр кецхав.

Тиим күүндврмүдин негнь Яшкуулск района „Чилгр“ гидг газрт болв. Иигән ирсн бичачнр совхозин куч-көлсчнрин кесн-кучасн керг-уулдврләнэ, бийсиннь бээдлләнэ танъл-дж, эднэ зärmснь совхозин ферм болгъниг эргдж, отар-мудар чигн одцхав. Бичачнр Сян-Белгин Хаср болн Байдын Санджара эн совхозин ферм болгънд оч, эврәннь произведеньсан умшдж өгцхав. Бичачнр Сусен Аксен, Инджин Лидж, Көктән Элдэ, Дорджин Баснь, Лиджин Эрнцн, Саньгъджин Бося бас фермсәр йовдж оln-амтнлэ харгъцхав. Совхозин централнь усадьб деер, совхозин клубд ик оln улс цуглрдж, эдниг соньсцхав.

Азийин болн Африкин орнутгудин бичачнрин, Ташкентск хуртт орлцсн бичач Сусен Аксен, тер хургин тускар келдж өгсинь, амтн йир икар соньмсдж соньсв.

Бичач Колян Сандж болн Цугсоюзин радион көллэч үр Саенко бас „Лиманный“ совхозин 1-ч фермин көдлмшчнрлэ харгъдж, күүндвр кецхав. Эдн Яшкуулск района „Гашунский“ совхозин куч-көлсчнрлэ бас харгъцхав, Каспийск, Черноземельск райодин эдлахус эргдж йовцхав.

Одсн газртан мана бичачнр эврәннь произведеньсан умшдж өгцхав, оln-амтнлэ соньн күүндвр кецхав.

С. ДЖАКУЕВСКИЙ.